

112 年全國語文競賽原住民族語朗讀 【拉阿魯哇語】 國小學生組 編號 2 號

hlipahluaili tamu'u

macimiungu taluavaulana ari, malialikihlia ina'ana ihlahlamu
puailimiararuma, angahli miararuma ikatumahlana, ausua pakiaturua,
umiasala tapiamaliahlua kikucu, tapicunguhlu usua hliarikuruta sala'a,
angahli rumariringi miararuama miungu pi umani kuli'i ahlamu miararuma,
nani ia saliaisa tamu'u.

mucapi likihli macacaca tamu'una, tarucuvunguihlahlamu, mita
hlahlamu arupariva tamu'una, marumukuatamu'una kumikihli ihlahlamu
apacacaihlahlamu. salia 'avangana tamu'una ia mamarikisua, naanaia
paranaisa taku'i'iaru, ihlaila paranahlamu ukikirmi anapahlivinga, naana
matumuhlua hliaripucua tamu'una pahlivingakiariari, marumukuaku
pakisuahlai tamu'u:ngahlaila kani'i? ngahlaila kana'a? umaruakari tahla
tamu'una tumuru ihlaku, makuvaaua hlikicumia lika'a "umanacu uuru",
usuanganaiu pahlasurucua tamu'uahlaina, maruamu vahlita
kumatalakiahlu upiaini camai marupatuku apuhlu masunguli, tulusu ucani
pihlingi uumu uuru, tam masasangaru arumukaku. kulupungu uumu uuru,
tulukuluku muma tupuru apuhlu, umahlikua tamu'una ihlahlamu macaca
amihla, tamucumu kani'i mahluavacavacangu, akuku umaria kasukasumana
ia, rianuamu hlikirapangacu uka'aka tukapu, maivuvurunga kuna
arasihlangu umacukacu, pasa'asi tasuhlatua hla curu, luvucu ia tasuhlatua

hlamu! muasasala usua pakiaturua iniciki miungu ariaturana,
kumamahlipapu marucavu hlikaiala nguaisa ina ku curu, mapuhlii uuru
hlipahlalapa hlatungu ritu'a hla ucani 'asaru, kana'aia mataingalicu
mavacangu sikuamahlipapu, maci kuaunana ia mairangu hla intavangu.

miungu umalilupungu ia, makacaniaku puaili, ta'iaraisaka matumuhlua
ta'iaraku masalia, ahlukua taku'i'iaru, miungu salia pasautasuhlatua musa
hlipatuaiailia matapangukalavungu 'ukui, muhlulu sala'a ahlaluahlu
papucukiu'u palumulu piapipuaili, miungusalia pahlalangua ina'ana
kuaruvavuna, pusipiakuapuhlu patucici sahlumu, upapalu
hlipasalangulangu ama'a puaili, miungu ruvana, tamalungulu hla tampaliku,
marumuku ukikirmi amaku, takuliliungu arupakakari, marumukuaku nua
hlahlahlamama, tupurupatuku apuapuhla, kumitahla kana'ana
takuhlaluahlu, tumamahlungu pahlivinga kiariari hla kisuahhlama,
aunanicu micalivi ucani aari.

amihlamana tamu'una, kumita ihlamu hlamuhlamua,
kui'arahlasu aanu hla pahlivinga, rianu miahlivihlivi, tumuakia
pimau kukiaparanasu, pasamamanganuaku malitutunulu, tumimahla
karitamu'u akuisa mamainimana tamuucu hlipasala ngulangu, macuisa
ihlata kani'i tamucuita hlimahluvacavacangu.

112 年全國語文競賽原住民族語朗讀 【拉阿魯哇語】國小學生組 編號 2 號

外公的回憶

週末媽媽開著車載我們回故鄉，一下車，外公笑著迎接我們，我們跑過去抱著外公，外公喜歡騷我們癢，逗得我們哈哈大笑。外公的房間在二樓，那是他的工作室，更是我們最愛尋寶的地方，那裡收藏很多東西，我喜歡問外公：「這是什麼？那是什麼？」外公會用母語教我。樓下傳來「吃飯了」，外婆已經煮好她的拿手菜，一家人一起在庭院吃飯的感覺很熱鬧。

吃完飯，大家圍著火坐著，外公說你們現在很幸福，在我還讀國小時，都是打赤腳，天還沒有亮就起床，走三小時才會到學校，中午打開便當，白飯上頭放著炒酸菜和一顆荷包蛋，就是最豪華的午餐了，平常都是地瓜芋頭。放學後，就要趕緊回家，家裡還有很多的工作。

外公看著孫子們不愁吃穿，什麼都有，叫我們要好好珍惜，不可以浪費，我用力點頭。聽到外公小時候的生活艱辛，覺得我們好幸福。